

REGIONAL NEWS

MUSIC FESTIVAL

Ningani atanga tan Lunglei Kawmzawl-a Rimawi Kutpui 'Leitlangpui Music Festival' 2025 chu nizan khan zawh fel a ni.

Leitlangpui Music Festival 2025 tawp zanah hian Tourism Minister Pu Lalnghinglova Hmar chuan Leitlangpui a chul dawn lo tih mai an duh tawh loh thu leh Leitlangpui a vul zel dawn tih sawiin, nikum lamah hlawhtling taka Leitlangpui Music Festival bul tan a nih hnuah, kuminah a aia ropui zawka buatsaih in, nakkumah ropui leh zualin buatsaih zel tum a ni, a ti a. Lunglei chu Mizoram rimawia sul sutu, Serkawn Concert lo chhuahna a nih angin Leitlangpui Music Festival pawh a par vul zel dawn a ni, a ti.

Tourism Minister chuan Mizo leh Mizo inlawm a, Mizo hla saa zai thup thup te, Mizo hla, zaithiam leh rimawi tum thiam ngaihsanna chang hriat chu rimawi kutpui tihlawhtlingtu ani tih sawiin, Mizoram Tourism-in thang zel tura a mamawhte anni ati a, Mizoram hmun tina mite chu intlawn tawn sup sup a, hunpui leh hun bil buatsaih a, chumi kal tlang chuan tualchhung mite ipite-ah sum a luh a, ram eibar dinhmun (economy) chawi kan chu Tourism-in a tum a nih thu sawiin, event tha, khualzin hip thei buatsaih zel tum a ni ati.

Minister chuan Leitlangpui Music Festival chu a tiak dawn a, tourism erawh a tiak dawn lotih sawiin, Aizawlah December ni 15-23 chhungin Thlasik Kut (Winter Festival) buatsaih tum a nih thu te, Krismas lam hawi a hun duan a, Krismas carol leh Krismas costume parade te buatsaih tum a nih thu te, December ni 31-ah a huhovin Mizo thalaite tan Sakawrhmutuai Sunset programme buatsaih a, kum hlui ni tla thliar liam tum a nih thu a sawi a. Mizoramah kum hlui thlaha tourist hip thei turin ruahmanna siam a nih thu sawiin, Mizoramah khualzin tam zawk hip luh an nih theih nan Mizo thil ngaisang a, lawm a, chawi lar zel turin thalaite a chah ani.

Leitlangpui Music Festival 2025 tawp ni-ah hian chhun lamah stall hrang hrang mipui tlawn theih leh dawr theiha hawn a nih bakah, Janjatiya Gaurav Diwas 2025 pualin Lunglei Bawrhsap Pisa in hriselna endikna (health screening) an buatsaih a. Tlai dar 4 atangin rimawi ruai theh tan ani.

Rimawi Kutpui 2025 hi Tourism Ministry atanga sum hmuh cheng nuai 25 leh Mizoram sawrkar atanga sum hmuh cheng nuai 25, a zavaiin cheng nuai 50 bakah, sumdawng leh agency hrang hrang atanga tanpuina (sponsor) sum hmuh hmanga buatsaih a ni.

<><><>

LADC

December ni 3 a member 25 awmna Lai autonomous district council (LADC) inthlan lo awm tur atan inbuatsaihna kalpui mek a ni.

LADC inthlan inbuatsaihna kal zelah hian nimin khan Sector Officer leh Police Sector Officer- te pualin Lawngtlai bawrhsap pisa-ah training buatsaih a ni a. Lawngtlai district bawrhsap leh district election officer (DEO) ni bawh, Pu Donny Lalruatsanga chuan inthlanna hlawhtling tak nei turin an kutah thui tak a inngat tih hrechiang turin a chah a. Mahni sector huamchhungah an mawhpurna tha tak hlen a tultih sawiin, dan leh thupek kenkawh kawngah leh tha taka vote thlak a nih theihna tura an

mawhphurna hre chiang turin a chah ani. Lawngtlai District - ah inthlan a awm zing hle tih sawiin, mipuiin an aiawh an thlan hi 'democracy' kalphung a ni tih hria a, phurrita la lo a, lungawi taka hlenchhuaktu nih tum theuh turin a fuih a. DEO chuan Inthlanna fel fai tluang taka neih a nih theih nan a theihtawp chhuahpui tura sawmin duhsakna a hlan bawk ani.

Election Officer (EO) Pu Collin Hlychho chuan Sector Officer- te chu inthlanaah theihtawp chhuahpui turin a sawm a. Inthlanna tluang tak a nei tura an mawhphurhna hlen theuh turin a ngen a ni. (ARO) Dr. Saithantluangi Zote leh (Nodal Officer) Pu Lalnunpuia Renthlei chuan training an pe a. Sector Officer- te mawhphurhna hrang hrang, tih tur leh tih loh turte, harsatna thlen palha hmalak dan tur leh tul dang hrang hrangte zirhona neiin, zawhna leh chhanna hun te hman a ni bawk.

Training- ah hian Sector Officer leh Police Sector Officer- te an tel kim vek thei a ni.

<><><>

LADC POLL-ROAD

Lai Autonomous District Council (LADC) inthlan lo awm tur atan a inbuatsaihna kal zelah nimin khan District Election Officer (DEO) Pu Donny Lalruatsanga'n a pisa-ah PWD hotute leh Contractor te kawng chungchang a sawipui.

Pu Donny Lalruatsanga chuan LADC inthlanpui 2025 atan inbuatsaihna chak taka kalpui a nih mek thu a tarlang a. Inthlan hlawhtling taka nei turin inkalpawhna kawng tha tak a pawimawh hle dawn thu sawiin hnathawktute'n theihtawp chhuah a tul hle a ni, a ti. Inthlan buaipuitute a hun taka an duty na tur hmun polling station - an thlen ngei ngei a ngaih avangin, kawngpui thawm that ngaite theih ang anga lo siam tha turin a ngen a. A bikin kawngpui dinhmun leh eng motor nge kal thei tih te PWD lam te report lo siam a, DEO-ah a hma lamah thehlut turin a chah a. Inthlanna fel fai leh tluang taka neih a nih theih nan mahni zawn theuhah theihtawp lo chhuah turin MPWD leh contractor- te a chah.

Thutkhawmah hian election official-te, PWD, Lawngtlai Division, PWD, Multi-Modal Project Division aiawh, Lawngtlai District chhunga kawngpui enkawl/ siam mek tu Contractor - te, Shri Balaji Construction Company leh 71 RCC - te an tel a ni.

<><><>